



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-208-4/26**

Datum: **19.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «VODOKOM» d.o.o. Kakanj, za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja općine Kakanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu, JP «VODOKOM» d.o.o. Kakanj daje se vodna dozvola za privremeno ispuštanje komunalnih otpadnih voda iz urbanog područja općine Kakanj, putem javnog kanalizacionog sistema u prirodni recipijent – rijeka Bosna. Ova dozvola se odnosi na sljedeće identificirane privremene ispuste u nadležnosti podnosioca zahtjeva:
 - Ispust glavnog kolektora užeg urbanog područja općine Kakanj (Ø1200 mm) u rijeku Bosnu kod Cementarskog mosta (desna obala rijeke Bosne; k.č. 2122 K.O. Vrtlište, općina Kakanj),
 - Ispust glavnog kolektora urbanog područja općine Kakanj (Ø500 mm) u rijeku Bosnu kod Vatrogasnog doma (lijeva obala rijeke Bosne; k.č. 2153/1 K.O. Kakanj, općina Kakanj),
 - Ispust glavnog kolektora urbanog područja općine Kakanj (Ø1000 mm) u rijeku Bosnu kod Mosta mladih (lijeva obala rijeke Bosne; k.č. 1788/1 K.O. Doboje, općina Kakanj).
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
 - 2.1. Da se objekti koji čine javni kanalizacioni sistem općine Kakanj održavaju u ispravnom i funkcionalnom stanju u skladu sa njihovom namjenom i ovim Rješenjem, a prema Odluci o vodovodu i kanalizaciji («Službene novine Općine Kakanj», broj 3/2011).
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa projektnom dokumentacijom, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje obala i korita rijeke Bosne na mjestima ispusta iz glavnih gradskih kolektora.
 - 2.6. Da se od korisnika, prilikom izdavanja odobrenja za priključak na gradsku kanalizacionu mrežu, zahtjeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring otpadnih voda na ispuštima glavnih gradskih kolektora definisanih tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u rijeku Bosnu ne smije ugrožavati postojeći hemijski i ekološki status recipijenta.
5. Lokacija planiranog postrojenja za prečišćavanje urbanih otpadnih voda mora se rezervisati kroz prostorno – plansku dokumentaciju općine Kakanj i spriječiti promjenu namjene ovog prostora.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
7. U periodu važenja ove dozvole, korisnik je dužan provoditi sve mjere i aktivnosti propisane istom.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1, 2, 3 ili 4 Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica JP «VODOKOM» d.o.o. Kakanj, dana 14.05.2026. godine podnesen je ovom organu zahtjev za izdavanje vodne dozvole za privremeno ispuštanje komunalnih otpadnih voda iz urbanog područja općine Kakanj, putem javnog kanalizacionog sistema u prirodni recipijent – rijeku Bosnu, na tri identificirana mjesta ispusta. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Kopija Aktuelnog izvoda iz sudskog registra broj: 043-0-RegZ-26-001921 izdatog dana 12.05.2026. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 15.08.2011. godine od strane Porezne uprave – Kantonalni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-35-230-4/12 izdatog dana 11.04.2012. godine od strane Uprave za indirektno-neizravno oporezivanje Banja Luka,
- Kopija Odluke o vodovodu i kanalizaciji broj: 0-01/1-51/11 donesene dana 02.03.2011. godine od strane Općinskog vijeća Kakanj («Službene novine Općine Kakanj», broj 3/2011),
- Ovjerena kopija Rješenja o odobrenju korištenja rekonstruisanog kanalizacionog sistema broj: 0-06/1-23-12909/11 izdatog dana 28.07.2011. godine od strane Općine Kakanj (prilog - izvještaj Komisije za tehnički pregled izvedenih radova),
- Ovjerena kopija Rješenja o urbanističkoj saglasnosti broj: 12-23-8319/12 izdatog dana 07.05.2013. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Kopija Rješenja o vodnoj dozvoli broj: UP-I/25-3-40-114-4/21 izdatog dana 07.06.2021. godine od strane «Agencije za vodno područje rijeke Save» Sarajevo,
- Kopije Izvještaja o monitoringu komunalnih otpadnih voda broj: 367/25, mart 2025. godine; broj: 1627/25, septembar 2025. godine; broj: 320/26, mart 2026. godine urađenih od strane «Inspekt - RGH» d.o.o. Sarajevo (izvještaji urađeni za ispuste komunalnih otpadnih voda u rijeku Bosnu na dva mjesta mjesta),
- Glavni projekat rekonstrukcije kanalizacionog sistema Kaknja (Knjiga 1) urađen od strane Instituta za hidrotehniku Građevinskog fakulteta u Sarajevu, januar 2009. godine – na uvid,
- Projekat izvedenog stanja rehabilitacije kanalizacionog sistema u Kaknju (Knjiga 1, 2 i 3) urađen od strane «ES HYDROTEHNICS» d.o.o. Sarajevo, juni 2011. godine – na uvid,
- Glavni projekat primarnih kanalizacionih kolektora u gradu Kaknju u dužini cca 2450 m urađen od strane «ES HYDROTEHNICS» d.o.o. Sarajevo, juli 2012. godine – na uvid,
- Idejni projekat kanalizacionog sistema i uređaja za prečišćavanje otpadnih voda za grad Kakanj (Knjiga 1) urađen od strane «SPREČA» d.d. Tuzla, april 2003. godine – na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih privremenih ispusta komunalnih otpadnih voda u rijeku Bosnu i tom prilikom je sačinjen Zapisnik o uviđaju broj: UP-1/21-3-40-208-3/26 od 04.06.2026. godine. Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za prikupljanje fekalnih, upotrijebljenih i oborinskih voda na urbanom području općine Kakanj izgrađen je mješoviti sistem kanalizacije sa ukupno 3 evidentirana ispusta otpadnih voda u rijeku Bosnu. Ispuštanje otpadnih voda u vodotok vrši se direktno bez prethodnog tretmana.

Postojeći kanalizacioni sistem izgrađen je uglavnom u centralnom dijelu općine Kakanj i pokriva uže urbano područje, te djelimično naselja Nove Bare, Mile, Plandište, Bare, Zgošća, Varda, Podvarda, Malješ i Pope locirana na desnoj obali rijeke Bosne te djelimično naselja Kutu, Povezice, Zadublje, Zgošćice, Česti Skladovi, Izbrde, Slijevnice, Velike Njive, Luka, Donja Mahala i Doboj na lijevoj obali rijeke Bosne.

Na javni kanalizacioni sistem kojim upravlja JP «VODOKOM» d.o.o. Kakanj priključeno je oko 5396 domaćinstava i 538 privrednih subjekata. Domaćinstva koja nisu priključena na javni kanalizacioni sistem uglavnom imaju izgrađene septičke jame ili mjesne kanalizacione sisteme sa direktnim ispuštima.

Postojeći kanalizacioni sistem na desnoj obali rijeke Bosne može se okarakterisati kao granati tip sa glavnim desnoobalnim kolektorom trasiranim duž rijeke Zgošće i rijeke Bosne na koji su priključeni sekundarni kolektori. Ispust komunalnih otpadnih voda iz desnoobalnog kolektora vrši se u rijeku Bosnu na lokalitetu Karaulskog Polja neposredno nizvodno od Cementarskog mosta. Na ispustu (Ø1200 mm) je izgrađena betonska ispusna građevina sa žabljim poklopcem. Planiran je nastavak izgradnje desnoobalnog kolektora do lokaliteta planiranog postrojenja za tretman otpadnih voda.

Na lijevoj obali rijeke Bosne izgrađen je kanalizacioni sistem takođe kao granati tip mreže sa dva glavna kolektora na koji su priključeni sekundarni kolektori. Prvi lijevoobalni kolektor izgrađen je do naselja Doboj sa privremenim ispustom (Ø500 mm) u rijeku Bosnu kod Vatrogasnog doma. Drugi lijevoobalni kolektor ima izveden privremeni ispust (Ø1000 mm) u rijeku Bosnu kod Mosta mladih.

Monitoring recipijenta otpadnih voda se vrši redovno od strane «Inspekt RGH» d.o.o. Sarajevo (dostavljeni izvještaji za septembar i mart 2025. godine te mart 2026. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16). Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent, a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 6. dispozitiva ovog Rješenja.

Na osnovu provedenog postupka, konstatuje se da je podnosilac zahtjeva JP «VODOKOM» d.o.o. Kakanj, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja općine Kakanj, putem javnog kanalizacionog sistema, u rijeku Bosnu, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-208-2/26 od 03.06.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se taksom od 15 KM, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.


Po ovlaštenju
Rukovodilac Sektora za izdavanje vodnih akata
Nihad Pezo, dipl.inž.građ.

Dostaviti:

- JP «VODOKOM» d.o.o. Kakanj
ul Alije Izetbegovića br. 51/1, 72240 Kakanj
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava